

O B A V J E Š T E N J E
**O POKRETANJU POSTUPKA DODJELE PODRUČJA DJELOVANJA VETERINARSKIM
STANICAMA NA PODRUČJU TUZLANSKOG KANTONA NA EPIZOOTIOLOŠKOJ JEDINICI
TEOČAK, SAPNA I DIJELA EPIZOOTIOLOŠKE JEDINICE ŽIVINICE (mjesne zajednice Višća
Gornja, Svojat i Lukavica Donja)**

Članom 18. stav 2. Pravilnika o uslovima za osnivanje i obavljanje veterinarske djelatnosti i načinu dodjele područja djelovanja („Službene novine Federacije Bosne i Hercegovine“, 5/16, u daljem tekstu: Pravilnik), propisano je da „kantonalno ministarstvo na osnovu utvrđene kategorizacije izrađuje grafički prikaz granica područja djelovanja te obavještava veterinarske stanice sa svog epizootiološkog područja o pokretanju postupka dodjele područja djelovanja“.

Shodno gore navedenom pozivamo Veterinarske stanice na području Tuzlanskog kantona da u skladu sa članom 19. Pravilnika, na Obrascu broj: 2 (prilog), podnesu zahtjev za dodjelu područja djelovanja na epizootiološkim jedinicama Teočak, Sapna i dijela epizootiološke jedinice Živinice (mjesne zajednice Višća Gornja, Svojat i Lukavica Donja), te prilože traženu dokumentaciju. Prilog ove obavijesti je i Spisak područja djelovanja po općinama.

Zahtjev za dodjelu područja djelovanja za epizootiološku jedinicu Sapna i dio epizootiološke jedinice Živinice (mjesne zajednice Višća Gornja, Svojat i Lukavica Donja) u skladu sa članom 16. stav (5) i (6) može podnijeti **registrovana** veterinarska stanica na epizootiološkoj jedinici koja posjeduje rješenje o obavljanju veterinarske djelatnosti.

(Napomena: Uzimajući u obzir da je na području epizootiološke jedinice Živinice došlo do prestanka sa radom, brisanjem iz sudskog registra, veterinarske stanice „DOG - VET“ doo Lukavac - Podružnica Živinice a kojoj je Rješenjem broj 04/1-20-020989-1/20 od 22.10.2020. godine bilo dodijeljeno područje djelovanja u mjesnim zajednicama Višća Gornja, Svojat i Lukavica Donja potrebno je navedene mjesne zajednice dodijeliti zainteresovanim registrovanim veterinarskim stanicama sa područja epizootiološke jedinice Živinice).

Jedna veterinarska stanica može podnijeti zahtjev za jedno ili više područja djelovanja unutar jedne epizootiološke jedinice na kojoj ima registrovanu djelatnost.

Obzirom da na epizootiološkoj jedinici Teočak ne postoji registrovana veterinarska stanica koja ispunjava uslove propisane Pravilnikom, područje djelovanja dodijeliće se zainteresovanim veterinarskim stanicama iz susjedne ili druge općine, odnosno grada u skladu sa odredbama Pravilnika. (Veterinarske stanice koje budu aplicirale za dodjelu područja na epizootiološkoj jedinici Teočak, a kojima je u ranije provedenom postupku već dodijeljeno neko od područja djelovanja na epizootiološkoj jedinici za koju su registrirane, trebaju voditi računa o broju uposlenih veterinarara odnosno o odredbi Pravilnika da „veterinar iz jedne ambulante može biti prijavljen samo za jedno područje djelovanja“).

Rješenje o dodjeli područja djelovanja veterinarskoj stanici Ministarstvo poljoprivrede, šumarstva i vodoprivrede Tuzlanskog kantona dodjeljuje na period od pet godina.

Zahtjev za dodjelu područja (Obrazac broj 2) sa traženom dokumentacijom može se podnijeti najkasnije u roku od 7 dana od dana objavljivanja Odluke o pokretanju postupka dodjele područja djelovanja na epizootiološkim jedinicama Teočak, Sapna i dijela epizootiološke jedinice Živinice (mjesne zajednice Višća Gornja, Svojat i Lukavica Donja) u dnevnom listu „Dnevni avaz“.

Obaviještenje o pokretanju postupka i Obrazac broj 2. sa spiskom područja djelovanja i potrebnom dokumentacijom bit će objavljeni na web stranici Ministarstva poljoprivrede, šumarstva i vodoprivrede Tuzlanskog kantona, na osnovu Odluke o pokretanju postupka dodjele područja djelovanja veterinarskim stanicama na epizootiološkim jedinicama Teočak, Sapna i dijela epizootiološke jedinice Živinice (mjesne zajednice Višća Gornja, Svojat i Lukavica Donja), broj: 04/1-18-20-001662/21 od 03.02.2021. godine.

Nakon objavljivanja Odluke o pokretanju postupka dodjele područja djelovanja veterinarskim stanicama na epizootiološkim jedinicama Teočak, Sapna i dijela epizootiološke jedinice Živinice (mjesne zajednice Višća Gornja, Svojat i Lukavica Donja), ovlašteni predstavnici veterinarskih stanica mogu izvršiti uvid u grafički prikaz granica područja djelovanja, u prostorijama Ministarstva, uz prethodno utvrđeni termin.

Zahtjevi se dostavljaju u Centralnu pisarnicu - Ured za zajedničke službe kantonalnih organa, lično ili preporučeno poštom, u zatvorenoj koverti na adresu: Rudarska 57, 75000 Tuzla. Na koverti napisati za Ministarstvo poljoprivrede, šumarstva i vodoprivrede Tuzlanskog kantona – Zahtjev za dodjelu područja djelovanja veterinarskim stanicama na epizootiološkim područjima Teočak, Sapna i dio epizootiološke jedinice Živinice (mjesne zajednice Višća Gornja, Svojat i Lukavica Donja) – **NE OTVARATI**.

Na koverti obavezno navesti i podatke o podnosiocu zahtjeva (naziv pravnog lica, adresa sjedišta, broj telefona).

Neblagovremeni zahtjevi se neće uzeti u razmatranje.

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
Ministarstvo poljoprivrede,
šumarstva i vodoprivrede**

MINISTAR

mr.sc.Vahidin Smajlović, dipl.ing.polj.

**Broj: 04/1-18-20-001662-1/21
Tuzla, 03.02.2021. godina**